

Cov Lus Pheej Nquag Nug Txog Kev Npaj Nyiaj Rau Xyoo 2025

Cov Lus Nug Txog Kev Npaj Nyiaj

[SPPS twv tias nyiaj yuav tsawg li \\$150 lab rau hauv pob nyiaj loj rau lwm xyoo \(2025\). Qhov nyiaj no sawv cev pes tsawg puas xees ntawm pob nyiaj rau xyoo 2024?](#)

Pob nyiaj loj tag nrho rau xyoo 2024 yog \$801 lab. \$150 lab ces yog li 19% ntawm pob nyiam tam sim no.

[Pes tsawg puas xees ntawm pob nyiaj loj yog siv rau cov neeg hauj lwm?](#)

80% ntawm pob nyiaj loj yog siv ua nyiaj hli thiab kev pab cuam rau cov neeg hauj lwm. Qhov nov ces thooj li lwm lub hauv paus tsev kawm ntawv hauv Minixaustas thiab xwb.

[Ib hnuv SPPS siv npaum twg nyiaj khiav dej num? \(muab tso kom ze rau 100,000\)](#)

\$2.8 lab.

[SPPS muaj pes tsawg tus neeg ua hauj lwm puv sij hawm \(FTEs\)?](#)

SPPS muaj 6,137 tus neeg ua hauj lwm puv sij hawm thiab cov tsis puv tib si (raws li lub Kaum Hli tim 31, 2023).

[SPPS siv nyiaj npaum twg rau ib tug tub ntxhais kawm ntawv?](#)

Cov ntaub ntawv xyoo 2021-22 qhia tias siv txog \$20,195 rau ib tug tub ntxhais kawm ntawv. Muab piv rau hauv lub xeev ces qhov nruab nrab yog \$15,000 rau ib tug tub ntxhais kawm ntawv.

[Lub xeev twb nqis peev \\$2.2 billion rau tsev kawm ntawv lawm es nyiaj tseem tsawg tau li cas?](#)

Cov nyiaj no yog ib co uas yeej yuav tsum tau los pab tsev kawm ntawv. Cov nyiaj uas lub xeev muab nov mas nws yeej muaj nws chaw yuav siv lawm thiab yuav tsum siv raws li hais xwb.

Piv txwv: Lub xeev muab \$2 rau ib tug tub ntxhais kawm tauj ib xyoos tau siv rau cov ntxhais thiab cawm cov uas qaug tshuaj hauv tsev kawm ntawv. Cov nyiaj no twb tsis txaus siv rau tub ntxhais kawm ntawv raws li hais. Ces peb tseem yuav tau siv cov nyiaj hauv pob nyiaj loj los pab. Zoo tib yam li nov rau cov nyiaj uas pab tuaj rau cov tub ntxhais kawm ntawv tshwj xeeb thiab EL thiab. Cov nyiaj tsuas txaus siv rau ib nrab xwb, tseem yuav tau nrhiav nyiaj ntxiv thiaj li txaus.

SPPS tau txais \$53.8 lab tshiab hauv lub xeev tuaj rau xyoo 2024. Tib lub sij hawm no, hauv paus tsev kawm ntawv cov peev thiab nyiaj tiag taw xyoo no sib ntxiv muaj li \$88.2 lab xwb. Tseem yuav tau thau li \$34.4 lab los ntxiv thiaj li txaus.

Yog peb cov kev siv ho tsis siab li peb npaj rau xyoo 2024, SPPS mam li kho qhov nyiaj uas yuav nrho ntawd thiab rov kho qhov nyiaj uas npaj rau xyoo 2024 rau thaum lub caij nplooj hlav.

[Xyoo puav tas los, SPPS twv tias nyiaj yuav tsawg, tiam sis ho tshaj. Vim li cas xyoo no ho txawv?](#)

SPPS tsis tau twv tias nyiaj yuav tsawg ntau npaum li no yav tas los. Tsoom fwm cov nyiaj ESSER/ARP yuav tag rau lub Cuaj Hli 2024, ua rau pom tias nyiaj yuav tsawg ntau heev. Lwm qhov uas pom tias nyiaj yuav tsawg ntau ntxiv yog qhov uas yuav tau thau \$34.4 lab hauv lub hauv paus tsev kawm ntawv cov

peev ntawm xyoo 2024 los. Qhov thau nov yuav ua rau pob nyiaj siab zog li 5% rau cov tsav xwm muab suab pom zoo.

Yog peb cov kev siv ho tsis siab li peb twv rau xyoo 2024 thiab pom zoo rau thaum lub Rau Hli 2023, ces mam li rov kho cov nyiaj uas peb thau ntawm cov peev los. Tej nyiaj uas cia li tau lwm qhov los ces yuav muab txhawm cov peev kom txwm ua ntej.

[Pob nyiaj uas npaj rau xyoo 2024 thiab pom zoo rau thaum lub Rau Hli 2023 yog npaj raws li tej nyiaj uas peb muaj ua ntej lub xeev tham tsis tau xaus tias lawv yuav pab nyiaj tuaj li cas thiab siv qhov uas twv tias yuav muaj tub ntxhais kawm ntawv coob li cas. Thaum twg mam li kho cov kev npaj nyiaj ntawm xyoo 2023 li hais saum no kom tiav?](#)

Txhua xyoo, SPPS rov kho cov kev npaj nyiaj rau xyoo ntawd rau thaum lub Peb Hlis. Qhov uas rov kho nov ces kho kom haum rau tam sim no seb thaum pib uas yog lub Rau Hli los rau tam sim no hloov li cas lawm. Qhov kho kawg yog ua ntej lub Kaum Ob Hlis tim 31 txhua xyoo. Lub sij hawm ntawd, SPPS yuav muaj peev xwm qhia tau tias yuav muaj tub ntxhais kawm coob li cas los haum rau cov nyiaj uas yuav siv rau xyoo 2023. SPPS yuav qhia txog qhov kev npaj nyiaj rau xyoo 2024 (uas yog xyoo no) rau thaum lub Peb Hlis 2024. Lub sij hawm ntawd, peb yuav twv tau tias cov nyiaj npaj rau xyoo 2025 zoo li cas lawm.

Kev Tau Nyiaj thiab Tau Txij Twg Los

[Puas muaj cib fim rau tsoom fwm los sis lub xeev pab nyiaj tuaj txhawm rau tej qhov uas nyiaj tsis txaus?](#) Peb tsis pom tias yuav muaj cib fim rau tsoom fwm los sis lub xeev pab nyiaj tuaj rau lub caij no.

[Puas muaj kev txwv tsis pub siv nyiaj rau tej seem?](#)

Muaj. Muaj ntau qhov kev txwv seb yuav siv cov nyiaj mus li cas xws li them neeg hauj lwm, siv raws lub xeev txoj cai, cov hauj lwm uas yuav tsum ua, thiab tej yam uas raws li txoj cai.

Pob nyiaj loj yog pob uas yooj yim siv dua. Xyoo 2024 no, SPPS pob nyiaj loj muaj li \$801 lab. Lwm pob nyiaj muaj xws li nyiaj zaub mov, nyiaj ua dej num rau zej zos, nyiaj them nuj nqi, nyiaj kho vaj tse, tsuas siv tau rau tej yam xwb. Yog xav paub tias cov nyiaj nov siv tau ua dab tsi xwb mus saib cov lus qhia hauv qhov kev npaj nyiaj xyoo 2025 spps.org/fy25budget.

[Kuv cov se tsev mus rau ntawm peb lub tsev kawm ntawv los sis hauv lub hauv paus tsev kawm ntawv?](#)

Cov se tsev mus rau hauv lub hauv paus tsev kawm ntawv. Cov se tsev yog ib feem ntawm lub hauv paus tsev kawm ntawv txoj kev npaj nyiaj thiab mam li muab xa mus rau cov tsev kawm ntawv thiab khoos kas raws kev tsim nyog thiab qhov twg ua ntej ua qab. Se tsev yog 20% ntawm SPPS cov nyiaj hauv ib xyoos.

Qhov American Rescue Plan (ARP)

[Qhov nyiaj American Rescue Plan nov muaj pes tsawg puas xees nyob rau hauv SPPS pob nyiaj loj?](#)

Nws yog li 14% (\$114 lab) nyob rau hauv pob nyiaj loj rau xyoo 2024. Pob nyiaj nov yuav tag rau lub Cuaj Hli 2024 thiab yuav tsis muaj lwm pob nyiaj los hloov chaw. Yog xav paub tias pob nyiaj no siv li cas mus saib hauv spps.org/ARP.

[Cov nyiaj uas pab ib zaug tuaj tag lawm, nej yuav ua li cas txiav txim siab tuav cov neeg hauj lwm thiab khoos kas twg ua ntej nrog cov nyiaj uas nej muaj?](#)

SPPS yuav mob siab ua kom muaj kev kawm zoo tshaj plaws nrog cov nyiaj thiab neeg hauj lwm uas peb muaj. Yuav siv nyiaj rau yam twg ua ntej muaj ntau seem rau ntawm lub xyoo. Xyoo no:

1. Peb nrog cov neeg zej zos tham seb lawv pom qhov twg yog qhov muaj nqis. Peb muab cov kev muaj nqis no teeb ua paus ntsis kom haum peb cov nyiaj uas siv tau seb yuav ua qhov twg ua ntej.
2. Peb yuav soj ntsuam peb cov khoos kas thiab dej num seb qhov twg yog qhov uas yuav tiav zoo mus rau tom ntej raws li qhov peb npaj.
3. Peb mam li muab cov khoos kas thiab dej num teeb ua paus ntsis raws li qhov mus tau zoo; tig kom haum li qhov uas lub zej zos pom tias muaj nqis; thiab haum rau cov nyiaj uas peb muaj. Qhov nov yuav txiav txim siab tias peb yuav ua tau dab tsi thiab yuav ntiav pes tsawg tus neej hauj lwm rau xyoo 2025.

[Cov nyiaj ARP twb tag lawm, vim li cas peb tseem tuav cov khoos kas ntawm cov nyiaj ARP hauv xyoo 2024 no mus ntxiv thiab?](#)

Pom tias cov khoos kas uas siv cov nyiaj ARP no los pib pab tau tub ntxhais kawm zoo. Nyob rau tib lub sij hawm no, muaj ib co khoos kas uas nyob ntev los lawm ho pab tsis tau pes tsawg. Vim li no, peb thiaj li soj ntsuam tag nrho peb cov khoos kas tib si seb qhov twg yog qhov pab tau thiab haum li qhov uas lub zej zos pom tias muaj nqis los txhawb tub ntxhais txoj kev kawm thiab haum li qhov uas peb tau npaj tseg. Muab qhov kev soj ntsuam no los piv rau qhov uas zej zos pom tias muaj nqis, peb thiaj li paub txiav txim siab tias yuav tuav qhov khoos kas twg mus ntxiv thiab tso qhov twg tseg.

[Cov nyiaj ARP tsuas siv rau khoom siv xwb los lwm yam thiab, los sis muab ua tib zaug siv xwb?](#)

Siv tau rau lwm yam thiab. SPPS yeej ua zoo saib thiab ua raws li tsoom fwv thiab fab kev kawm hauv lub xeev cov kev qhia siv cov nyiaj pab rau tej seem uas cuam tshuam rau COVID-19 xws li kev nyuaj siab thiab tu ncuu kev kawm los ntawm tus kab mob COVID-19. Kwv lam li 30% ntawm pob nyiaj yog muab ua tib zaug siv rau cov kev siv. Saib txog kev siv pob nyiaj ARP hauv no: spps.org/Page/45780.

[Yog siv tsis tas cov nyiaj xyoo tag los, ua li cas rau cov nyiaj ntawd lawm?](#)

Thooj li yus los sis tsev neeg cov nyiaj thiab xwb, cov nyiaj uas siv tsis tas ces seem rau ntawd. Ua ib cov peev tseg kom muaj nyiaj thiab koj mus yuam txais nyiaj los siv.

Kev Sau Npe Kawm

[Peb twv tias tub txhais kawm ntawv yuav coob li cas txhua xyoo?](#)

SPPS saib ntau seem xws li cov me nyuam yug los coob li cas, cov tsev kawm ntawv charter qhib los sis kaw pes tsawg lub, neeg hauv zej zos khiav mus los coob li cas, txhua xyoo los mus tub ntxhais kawm ntawv sau npe coob li cas thiab ntxiv mus. Qhov uas peb twv raws li no tsuas txawv li 0.5-2% rau thaum paub meej rau lub Kaum Hli tim 1 txhua xyoo.

[Cov tub ntxhais kawm qib PreK-12 hauv SPPS sau npe coob li cas rau xyoo 23-24?](#)

Thaum sau npe yog 32,789 tus rau thaum lub Cuaj Hli tim 22, 2023. Suav kom paub meej rau thaum lub Kaum Hli tim 1 thiab yuav npaj txhij rau thaum lub Ib Hlis 2024.

[Qhov uas tub ntxhais kawm coob thiab tsawg cuam tshuam pob nyiaj li cas?](#)

Cov tub ntxhais kawm ntawv yog thawj qhov rau lub hauv paus tsev kawm ntawv txoj kev tau nyiaj. Yuav luag txhua qhov kev tau nyiaj ces yog los ntawm tub ntxhais kawm ntawv coob li cas, xam cov nyiaj uas lub xeev pab thiab se tsev tib si. Tom qab lub Kaum Hli tim 1 uas suav meej lawm ces cov nyiaj yuav tsum dhos rau cov tub ntxhais kawm.

[SPPS yuav ua li cas los pab rau qhov uas tub ntxhais kawm pheej tsawg zuj zus lawm?](#)

SPPS muaj ob peb seem kev nrhiav tub ntxhais kawm thiab tuav tub ntxhais kawm thiab cov tsev neeg cia. Peb yuav tsim kom muaj cov khoos kas kawm zoo thiab ua dej num kom pab tau rau cov niam txiv zej zos. Peb yuav txais sawv daws cov tswv yim thiab soj ntsuam tej ntaub ntawv thiab qhia tej kev yuav txiav txim siab rau cov tsev neeg kom lawv txawj xaiv thiab nyob twj ywm hauv SPPS.

Muaj li 60% ntawm cov me nyuam uas nyob hauv Xees Phos kawm ntawv rau hauv Xees Phos Tsoom Fwv Tsev Kawm Ntawv. 85% ntawm cov tub ntxhais kawm ntawv kawm twj ywm hauv SPPS mus rau lwm qib. Lwm yam uas ua rau tub ntxhais kawm tsawg zuj zus yog muaj cov tsev kawm ntawv charter ntau lub tuaj, lwm hom tsev kawm ntawv uas tsis yog tsoom fwv thiab yug me nyuam tsawg lawm.

Raws li tej ntaub ntawv thaum xub tuaj sau npe, SPPS tau tub ntxhais kawm ntawv coob txaus li lub hom phiaj lawm (nqis li 1.5% los sis tsawg zog rau xyoo 2023-24). SPPS cov kev nrhiav tub ntxhais kawm thiab ceev tseg muaj xws li qhib tshav rau sawv daws tuaj xaiv tsev kawm ntawv, muaj phau ntawv qhia xaiv cov tsev kawm ntawv, qhia tawm hauv ntawv xov xwm txhua seem. Ntxiv mus, rau lub tsev kawm ntawv tau txais nyiaj los qhia lawv cov tsev kawm ntawv tawm kom muaj tub ntxhais kawm coob rau xyoo 2024-25 no.

Tus Txheej Txheem Txiaiv Txim Siab

[Nej yuav siv cov tswv yim uas kuv tawm li cas rau hauv kev txiaiv txim siab npaj nyiaj?](#)

SPPS tau muab tswv yim ntawm cov tub ntxhais kawm, cov tsev neeg, neeg hauj lwm thiab neeg zej zos los tso ua ke thiab soj ntsuam ua kev nrhiav nyiaj rau xyoo 2025 thiab tseem yuav muab tswv yim txuas ntxiv. Los ntawm tus txheej txheem no, sawv daws pom peb qhov kev muaj nqis xws li kev nyab xeeb, kev mloog li yus yog ib feem thiab qhia kom haum kev lis kev cai rau hauv tsev kawm ntawv yog tej tseem ceeb tshaj rau lawv. Tej qhov uas ua tau ces cov thawj yuav txiaiv txim siab rau txoj kev npaj nyiaj kom ua tau tej kev muaj nqis no rau xyoo 2025.

Cov neeg uas muaj feem xyuam txhua tus siv daim ntawv tawm tswv yim npaj nyiaj rau xyoo 2025 hauv no xa tswv yim tuaj rau peb spps.org/Domain/20706.

[Leej twg ua tus txiaiv txim siab thaum kawg?](#)

Tus tuam thawj xib fwb thiab cov thawj koj yuav tawm tswv yim nrog cov thawj xib fwb, cov thawj hauv lub hauv paus tsev kawm ntawv, thiab lub rooj tsav xwm los txiaiv txim siab rau thaum kawg. Ces mam li muab cov kev txiaiv txim siab nov rau cov tsav xwm muab kev pom zoo. Cov tsav xwm yuav tawm suab pom zoo rau pob nyiaj ua ntej lub Rau Hli tim 30, 2024.

[Lub sij hawm uas yuav tsum txiaiv txim siab yog thaum twg?](#)

Lub sij hawm txiaiv txim siab rau txoj kev npaj nyiaj rau xyoo 2025 nyob hauv spps.org/fy25budget.

Yam dej num loj los sis yam dej num uas yuav tau siv nyiaj twg yog ib feem ntawm qhov txheej txheem no thiab yam twg tsis yog?

Txhua qhov khoos kas, chaw sib koom tes, lub tswv yim pib, thiab lwm yam dej num uas yuav tsum tau ua ces yuav tau muab soj ntsuam rau hauv tus txheej txheem no. Yuav ua kom nyiaj txaus ces SPPS yuav tau txo ib txhia khoos kas thiab txo ib txhia neeg hauj lwm.

Tsis muaj ib fab kev kawm, ib qhov hauj lwm los sis khoos kas uas yuav tsis raug soj ntsuam seb puas tsim nyog txo cov neeg hauj lwm thiab txo kev siv li. Tej nov xam tag nrho cov neeg hauj lwm thiab khoos kas hauv lub hauv paus tsev kawm ntawv tib si. Txhua yam yuav raug soj ntsuam seb puas mus li tej uas zej zos pom tias muaj nqis thiab puas pab tau tub ntxhais kawm ntawv.

Lub sij hawm no peb tsis paub tias yuav zoo li cas rau cov tsev kawm ntawv. Peb xav tias tsev kawm ntawv yuav tau txais lawv pob nyiaj rau thaum lub Ob Hlis tag. Cov neeg hauj lwm thiab khoos kas ces mam li kho raws li tej ntaub ntawv hais tseg. Tam sim no tsis tau pom tias yuav kaw tsev kawm ntawv li cas.

ZeJ Zog Kev Koom Tes

Nej nrog zej zos tham li cas lawm, tshwj xeeb yog nrog cov niam txiv thiab tub ntxhais kawm ntawv tham, seb lawv pom tias yuav ua yam twg ua ntej?

- Tau tham nrog cov tub ntxhais kawm hauv 8 lub tsev kawm ntawv theem siab (caij nplooj hlav 2023)
- Zej zos sib tham nrog Marnita's Table (caij nplooj hla 2023)
- Npaj nyiaj thiab nrog zej zos tham txog tej yam lawv pom tias muaj nqis (caij nplooj zeeg 2023)
- Cov neeg hauj lwm sib tham txog kev npaj nyiaj (caij nplooj zeeg 2023)
- Soj ntsuam kom paub yam muaj nqis (cov tsev neeg, neeg hauj lwm, cov tub ntxhais kawm qib 6-12, caij nplooj zeeg 2023)

Tag nrho, cov neeg tau tawm tswv yim muaj tshaj li 10,000 tus uas muaj feem xyuam (10,739). Cov ntawv qhia txog kev koom tes nyob hauv no spps.org/fy25budget.

Yuav muab tej kev soj ntsuam uas pom tias qhov twg yog qhov muaj nqis tig los siv nyiaj li cas?

Pob nyiaj uas npaj tau yuav coj los ua tej dej num raws li tej uas zej zos pom tias muaj nqis ua ntej. Piv txwv li, peb cov pab pawg uas muaj feem xyuam pom tias kev nyab xeeb yog qhov tseem ceeb dua. Qhov nov txhais tau tias yog peb muaj ob qho yuav ua xws li muab nyiaj pab rau fab kev nyab xeeb thiab kho xov tooj ces peb yuav tau xaiv qhov uas muab nyiaj pab rau seem kev ruaj ntseg los yog kev nyab xeeb ua ntej qhov uas kho peb cov xov tooj.

Ntxiv rau tej uas pom tias muaj nqis no, peb yuav ua zoo saib seb tub ntxhais kawm tau zoo li cas peb thiaj li paub muab qhov khoos kas twg tso ua ntej thiab cov hauj lwm twg pab tau tub ntxhais kawm txoj kev kawm ntev mus lawm yav tom ntej coj los tham rau hauv lub tswv yim kawm kom tau ntawv no.

Ob qho tseem ceeb no – cov kev muaj nqis thiab tub ntxhais kawm tau ntawv – ua ke nrog lwm yam kev siv nyiaj uas peb yuav tsum muaj yog lub ntsiab ntawm kev npaj nyiaj rau xyoo 2025.

[Puas muaj mloog kev sib tham los sis hu xov tooj nrog cov neeg hauj lwm hauv tsev kawm ntawv tham?](#)

Qhov kev sib tham rau zej zos ces yog qhib rau txhua tus uas muaj feem xyuam thiab cov neeg hauj lwm tib si. Kuj xa cov ntawv soj ntsuam mus rau txhua tus neeg hauj lwm tib si thiab. Ntxiv mus, cov thawj xib fwb kuj muaj kev sib tham nrog lawv cov neeg hauj lwm hauv tsev kawm ntawv tib si kom sib to taub txog txoj kev npaj nyiaj rau xyoo 2025. Tus tuam thawj xib fwb siv sij hawm mus ntsib cov neeg hauj lwm hauv tsev kawm ntawv txhua lim tiam kom muaj kev to taub.

[What will the process be to ensure that community and staff input will continue to be collected?](#)

The feedback form on the FY25 budget website is one method of collecting feedback. Principals and other district leaders will continue to be part of the decision-making process. We are also committed to providing monthly updates to the community via email, which SPPS families and staff selected as their preferred method of communication in the surveys and engagement sessions.

Lus Nug Ntawm Cov Neeg Hauj Lwm

[Txhua pawg neeg ua hauj lwm hauv pawg tuam thawj xib fwb \(tsis sawv cev\) puas tau txais nyiaj nce 6% tib si?](#)

Pawg tsav xwm pom zoo nce ib zaug nyiaj 6% rau cov pawg neeg ua hauj lwm rau seem tuam thawj xib fwb rau thaum lub Yim Hli tim 22, 2023 uas cov tsav xwm muaj kev sib tham. Qhov kev txiav txim siab no yog mus raws li kev soj ntsuam ntawm Evergreen Solution uas pom tias lawv tau nyiaj tsawg dua lwm qhov chaw hauj lwm ib thaj tsam no lawm. Cov ntaub ntawv uas nrhiav tau thiab pom zoo nyob rau hauv no, pib phab 163 mus [Aug. 22 Board Book](#).

Pawg tsis sawv cev yog tus lwm tuam thawj xib fwb, cov thawj ntawm txhua fab, thiab lwm tus thawj coj hauv lub hauv paus tsev kawm ntawm. Tsis xam tus tuam thawj xib fwb. **Pawg neeg hauj lwm no tsis nyob hauv union thiab tsis tau nyiaj nce txhua xyoo raws theem los sis pauv kab.** Lawv cov nyiaj hli tsis nce txij li xyoo 2013-2021, nrog rau 1.5% rau xyoo 2021 thiab 2022 xwb vim kev noj nyob kim lawm. Qhov txawv ces feem ntau SPPS cov neeg hauj lwm tsim nyog tau txais kev nce qib txhua xyoo ntxiv rau qhov COLA. Cov neeg hauj lwm uas muaj lai xee muaj feem nce kab yog tias lawv kawm ntxiv. Txhua qhov COLAs ces yuav tsum yog pom zoo los ntawm cov tsav xwm.

[Cov ua hauj lwm “pab rau seem thawj coj” puas ua pab rau hauv 360 Colborne thiab 1930 Como txog seem kawm ntawv? Puas xam cov ua hauj lwm hauv Business Office, thiab Human Resources tib si?](#)

Xam kawg, qhov nov yog xam feem ntau ntawm SPPS cov neeg ua hauj lwm hauv 360 Colborne, 1930 Como, 1780 W. 7th, thiab ntxiv mus. Xam cov tsav xwm, tuav nyiaj txiag, chav txuas lus, Human Resources, Family Engagement, kev ruaj ntseg, fab qhia thiab kawm, lwm fab kev kawm, thiab cov thawj xib fwb tib si.

[Lub hauv paus tsev kawm ntawv muaj \\$1 billion nyiaj thiab tsuas siv \\$17.9 lab mus rau cov neeg hauj lwm xwb. Nej yuav siv \\$ 17.9 lab no li cas vim yuav mus li 2-3 xyoos diam?](#)

Qhov nyiaj no mus raws li nce 3.1% rau nyiaj hli thiab nqi kho mob txhua yam rau txhua pawg neeg hauj lwm. Cov nyiaj no yuav tawm hauv pob nyiaj loj los uas yuav raug li 80% ntawm pob nyiaj loj rau xyoo 2023, (npaj \$580 lab rau xyoo 2024).

[Thaum hais li hauv nov: 76% ntawm peb cov kev siv yog mus rau tub ntxhais kawm ntawv cov khoos kas thiab kev pab. Muab piv rau lwm lub hauv paus tsev kawm ntawv no zoo li cas?](#)

Yuav muab kom tau txoj kev kawm zoo thiab kev pab zoo rau cov tub ntxhais kawm ntawv, SPPS siv li \$20,195 rau ib tug tub ntxhais kawm rau xyoo 21-22. Lub xeev siv kwv yees li ntawm \$15,000. Qhov nov yog ib qho kev paub rau txoj kev npaj nyiaj thiab lub xeev txoj kev siv.

[Cov neeg hauj lwm puas muaj feem hais txog qhov uas lawv qhov hauj lwm yuav raug txiav?](#)

Cov neeg ua hauj lwm hauv tsev kawm ntawv tsis muaj feem txiav txim siab rau tej no. Thawj lwm uas tham txog kev npaj nyiaj, cov neeg hauj lwm yuav ua kev soj ntsuam thiab muaj sib tham tsib zaug rau cov neeg txhua tus rau thaum lub Kaum thiab Kaum Ib Hlis. Yog nej koom tes ces yuav muab nej lub tswv yim los tso rau hauv kev txiav txim siab.

Peb yuav qhia txoj kev npaj nyiaj rau xyoo 2025 txhua hli rau zej zos paub. Sawv daws nrog rau cov neeg hauj lwm siv tau daim ntawv hauv no xa tswv yim tuaj rau peb spps.org/fy25budget. Thaum twg muaj tej yam tshiab los sis kev txiav txim siab li cas ces peb yuav qhia rau sawv daws paub tsis tu ncu.

[Thaum twg mam li txiav txim siab txog cov khoos kas/hauj lwm?](#)

Peb xav tias cov tsev kawm ntawv yuav tau txais lawv qhov kev npaj nyiaj ua ntej lub Peb Hlis 2024. Yog muaj txiav hauj lwm ces yuav txiav raws li cov ntaub ntawv cog lus tseg. Cov sij hawm txiav txim siab rau kev npaj nyiaj nyob hauv no spps.org/fy25budget.

[Nej puas muab tej uas sawv daws pom tias tseem ceeb thib ib tshaj rau sawv daws pom?](#)

Muab kawg, peb twb muab tej uas sawv daws pom tias muaj nqis qhia rau tag nrho cov neeg hauj lwm, cov tsev neeg thiab pawg tsav xwm thaum lub Kaum Ib Hlis tim 30, 2023 lawm, thiab muaj nyob hauv nov [here](#).